

**Uunga siunnersuut: Qarasaasiakkut akiliisitsisarnerup aqunneqarnera pillugu
Inatsisartut inatsisaat nr. xx, xx. xxx 2017-imeersoq.
(Ilinniartitaanermut, Kultureqarnermut Ilisimatusarnermut Ilageeqarnermullu
Naalakkersuisumit saqqummiunneqartoq)
pillugu**

Inatsisinut Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Debora Kleist, Inuit Ataqtigiit, Siulittaasuugallartoq
Inatsisartunut ilaasortaq Pitsi Høegh, Siumut, ataatsimiititaliami sinniisoq, Siul. tulluigallartoq
Inatsisartunut ilaasortaq Iddimangiiu Bianco, Inuit Ataqtigiit
Inatsisartunut ilaasortaq Per Rosing-Petersen, Partii Naleraq
Inatsisartunut ilaasortaq Jens Erik Kirkegaard, Siumut, ataatsimiititaliami sinniisoq

Ataatsimiititaliap UKA 2017-imi ulloq 5. oktober siullermeerinninnerup kingornatigut
siunnersuut misissorpaa.

1. Siunnersuutip imarisai siunertaalu

Siunnersuutip kommuninik isumaqtigiinninniareernikkut pisortani oqartussaasut
qarasaasiakkut akiliisitsisarnermi malittarisassanik atuinissaat pillugu Naalakkersuisut
aalajangersaasinaalersippai.

Inatsimmut nassuiaatinit paasinarsivoq taaguummik “digitalikkut akiliisitsisarnermik”
suleriaatsit periutsillu aningaasanik PISORTANUT akiliinermi PISORTANIILLU
tunniussinermi atorpeqartartut pineqartut.

Ataatsimiititaliap paasivaa siunnersuutip piginnaatitsinerata atorpeqarnissaani ataatsimut
isigalugu annikitsuararsuarmik tunngavissiisoqartoq. Siunnersuut ilutsimisut iluseqartoq

Inatsisartunit akuersissutigineqassappat pissutsit piviusut malillugit sammisami inatsisiliornissamut piginnaatitsissut Inatsisartut Naalakkersuisunut tunniutissavaat.

Aammattaaq ataatsimiititaliap paasivaa piginnaatitsinerit qanoq atorniarneqarnerat inatsimmut nassuiaatini erseqqissarneqanngitsoq. Taamaallit Inatsisartut inatsisaat naapertorlugu malittarisassat Naalakkersuisut atortuutilerniagaasa imarisassat inatsimmut nassuiaatini erseqqissarneqanngillat.

Tamanna imaassinnaavoq malittarisassat kommuninik isumaqatigiinniaqateqareernikkut aalajangersarneqarnissat eqqarsaatigalugu isiginiarneqassaasoq. Naalakkersuisut kommuninut isumaqatigiinniuteqareerunik malittarisassiariniarneqartut imarisaat pillugit aatsaat erseqqissaateqarsinnaapput.

Inatsisissatulli siunnersuutip atuutilernissaanut aalajangersagaq pillugu nassuiaatini paasissutissiissutigineqarpoq Naalakkersuisut naatsorsuutigigaat inatsisip atuutilerneranut peqatigitillugu imaluunniit tamatuma kinguninnguutigut, inatsit tunngavigalugu nalunaarutininik arlalinnik Naalakkersuisut atortussanngortitsisinnaajumaartut. Tamanna tunngavigalugu immaq naatsorsuutigineqarsinnaasimassagaluarpoq Naalakkersuisut inatsimmut nassuiaatitigut malittarisassiariniakkatut isumaliutigineqartut imarisaat pillugit nassuiaateqarsinnaasut.

Ataatsimiititaliali aamma paasivaa Naalakkersuisut nittartakkakkut tusarniaaviatigut qarasaasiakkut akiliisitsisarnerup aqunneqarnera pillugu nalunaarummut missingiummik suli tusarniaassutiginnittoqanngitsoq. Inatsisissatut siunnersuut ilutsimisut ilusilik akuersissutigineqassappat Inatsisartut inatsisaat 1. januar 2018-imi atortuulersinneqassaag.

Inatsisissatut siunnersuut Digitaliseeriinermut Periusissaq 2014-2017-ip piviusunngortinneratut isigineqartariaqartoq nalunaarutigineqarpoq.

Qarasaasiakkut ingerlatsilernikkut aningaasaqarnikkut pissarsissuteqarnissaq Inatsisissatut siunnersuummik siunertaavoq, taamaallunilu pisortani akiliisitsisarnerup aqunneqarnera “nammineq ingerlasunngorlugu” (automatiskimik) eqaannerulersinneqarnissaa.

Taamaalluni nassuiaatit nalinginnaasut aallaqqaasiutaanni paasissutissiissutigineqarpoq naatsorsuutigineqartoq siunnersuut pisortani pisariillisaanermik sipaaruteqarnermillu kinguneqassasoq. Ataatsimiititaliali aamma maluginiarpaa nassuiaatit nalinginnaasut aningaasaqarnikkut allaffissornikkullu kingunissat pillugit immikkoortuanni ima paasissutissiisoqartoq ”*Pisortanut aningaasaqarnikkut allaffissornikkullu kingunerisassaasa naliliiffigineranni assut nalorninarpoq. Ataatsimut isigissagaannimi susassaarfimmut kisitsisinut paasissutissat amigarput. Aammattaaq annerusumik digitaliseeriinikkut*

sunniutaasut pillugit inerniliissalluni digitaliseeriinermut pilersaarutinit allanit misilittakkat suli naammangillat.”

2. Siunnersuutip pisortanut aningaasaqarnikkut allaffissornikkullu kingunissai

Inatsimmut nassuiaatini paasissutissiissutigineqarpoq qarasaasiakkut aaqiinnissap atulernissaanut atatillugu pisortaqaqfinni aningaasartuuteqartoqarnissaa naatsorsuutigineqanngitsoq.

Ataatsimiititaliap maluginiarpaa KANUKOKA-p tusarniaanermut akissummini siunnersuutip pisortanut, tassani aamma kommuninut aningaasaqarnikkut allaffissornikkullu kingunissai pillugit sukumiinerusumik nassuiaasoqarnissaanik ujartuisoq. KANUKOKA-p tamatumunnga uiggiullugu erseqqissaatigaa kommunit siunnersuutip nassataanik aningaasartuutigisinnaasaminnut taarsiiffigineqarnissaat KANUKOKA-mit naatsorsuutigineqartoq.

Naalackersuisut tusarniaanermi akissummut oqaaseqaatiminni qarasaasiakkut aaqiissutissap atorneranut atasumik aningaasartuuteqartoqassanngitsoq naatsorsuutaasoq aalajangiusimavaat. Taamaamat ataatsimiititaliap tamatumunnga tunngaviutittariaqarpaa siunnersuut kommuninut (Namminersorlutillu Oqartussanut) aningaasartuuteqarnermik nassataqassanngitsoq, tassani aamma assersuutigalugu qarasaasiatigut atortulersuutinik pisinermut, ineriartortitsinermut annertusaanermulluunniit imaluunniit sulisunik pikkorissaanermut aningaasartuuteqartoqassanngitsoq. Taamaalilluni ataatsimiititaliap tatigaa pisortanut aningaasaqarnikkut kingunissat pillugit Naalackersuisut nassuiaataat tamakkiisuusoq, Inatsisartullu paasissutissanik siunnersuummik suliarinninnerminnut pingaarutilinnik tamanik Naalackersuisunit tigusaqarsimasut.

3. Siunnersuutip innuttaasunut inuussutissarsiortunullu kingunissai

Oqaatigineqareersutut inatsimmut nassuiaatini erserpoq taaguummik “digitalikkut akiliisitsisarnermik” suleriaatsit periaatsillu aningaasanik PISORTANUT akiliinermi PISORTANIILLU tunniussinermi atorpeqartartut pineqartut. Taamaalillutik innuttaasut pisortat oqartussaasuinut akiliutaat aamma ilanngunneqarsimassapput.

Inatsisissatulli siunnersuummut nassuiaatini nalinginnaasuni paasissutissiissutigineqarpoq, siunnersuutip innuttaasunut kinguneqarnissaa naatsorsuutigineqanngitsoq.

Ataatsimiititaliap maluginiarpaa Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalackersuisoqarfik tusarniaanermut akissummini kaammattuutigigaa inatsisissatut siunnersuummut aalajangersakkamik, innuttaasup

qarasaasiakkut akiliisitsisarnerup aqunneqarnera pillugu malittarisassanut ilaatinnginneqarnissaanik periarfissiisumik ikkussisoqassasoq.

Ilaqutariinnermut, Naligiissitaanermut Inatsisinillu Atuutsitsinermut Naalakkersuisoqarfiup kaammattuutaa inatsisissatut siunnersuutip allanngortinneqarneranut tunngavissiisimangilaq. Naalakkersuisut tusarniaanermi akissummut oqaaseqaamminni inuit ilaasa Pisortani Digitalimik Allakkerineq pillugu Inatsisartut Inatsisaanni maleruagassat atuuttut malillugit qarasaasiakkut allagarsisarnermut ilaatinnginnissaasa naatsorsuutigineqarsinnaaneranut innersuussipput.

Taamaalillutik Naalakkersuisut naatsorsuutigigaat ilimagineqarsinnaavoq innuttaasut qarasaasiakkut allagarsisarnermut malittarisassanut ilaatinneqanngitsut peqatigitillugu qarasaasiakkut akiliisitsisarnerup aqunneqarneranut malittarisassanut ilaatinneqassanngitsut. Taamaammatt taamaattoqarnera ataatsimiititaliap tunngaviutittariaqarpaa, tatigalugulu Naalakkersuisut apeqqut taanna pillugu sukumiisumik misissuisimassasut.

Siunnersuutip inuussutissarsiutinik ingerlatsisunut kingunissaanut tunngatillugu ataatsimiititaliap maluginiarpaa inatsimmut nassuiaatini ersertoq siunnersuutip inuussutissarsiutinik ingerlatsisunut pingaartumillu suliffeqarfinnut mikisunut allaffissornikkut kingunissai eqqarsaatigalugit nammakkeerujussuarsinnaasoq.

Tassunga atatillugu ataatsimiititaliap eqqumaffigaa, pisuni immikkut ittuni nioqutissiortut namminersortut pisortani oqartussaasunut il.il. akiligassiissutinik nassiussinermi qarasaasiakkut akiliisitsisarnermut aaqqiissummi malittarisassanut ilaatinnginnissaannik siunnersuutip Naalakkersuisut aalajangiinnaatikkai.

Taamaattorli aalajangersakkamut pineqartumut nassuiaatini paasisinnaasorinarpoq suliffeqarfiit mikisut nalinginnaasumik ilaatinnginneqarnissaq naatsorsuutigisinnaanngikkaat.

4. Ataatsimiititaliap inassuteqaatai

Inatsisinut Ataatsimiititaliap paasivaa siullermeerinninnermi siunnersuutip pingaarnertut siunertaa taparserneqarluartoq. Siullermeerinninnermi arlalinnit tikkuarneqartoq innuttaasut suliffeqarfiillu ilaannut pisortanut/pisortanik akiliuteqarnermut/akiliisitsinermut qarasaasiakkut akiliisitsisarnermik iluarsissutinik atuinermut piumasaqaatinik naammassinnissinnaaneq ajornaatsuinnaanngitsoq ataatsimiititaliap aamma malugaa. Tassunga atatillugu nunaqarfinni, isorliunerusuni innuttaasut kiisalu innuttaaqatit utoqqaanerusut assersuutitut immikkut taaneqarput.

Ataatsimiitaliap isumaqatigiittup Naalakkersuisut sammisami nalunaarutini atortuulersitsinerminni tamatuminnga naammattumik isumaliutiginninnissaannik **kaammattorlugit** siunnersuutip **akuersissutigineqarnissaa** inassutigaa.

Inatsisinut Ataatsimiitaliap taama oqaaseqaateqarluni siunnersuut aappassaaniigassanngortippaa.

Debora Kleist,
Siulittaasuugallartoq

Pitsi Høegh

Iddimangiu Bianco

Per Rosing-Petersen

Jens Erik Kirkegaard